



Anna Wangenheim
Inatsisartunut ilaasortaq, Demokraatit

§ 37 naapertorlugu apeqqt 057/2020-mut akissuteqaat.

Asasara Anna Wangenheim

Peqqinnissaqarfik pillugu apeqqtinut Naalakkersuisut qujapput. Apeqqtit ataani allanneqarput akineqarlutillu.

15-04-2020
Sags nr. 2020 - 5052
Akt nr. 13253313

Postboks 1160
Tlf: 34 50 00
Fax: 34 55 05
3900 Nuuk

Email: pn@nanog.gl
www.naalakkersuisut.gl

1. §37 tunngavingalugu apeqqtinnut 19/2020-imut Naalakkersuisut apeqqummut nr. 1-imut akisimapput sipaarutaasimasut naammagisimaarlugit. Sipaaruteqarniarnerup allannguallaatai piffissami tassani (2016-2019) kingunerisinnaasai ersersikkusussimavakka. Taamaammallu ukua siammasinnerusumik paasisaqarfigerusuppakka:

Akissut:

Naalakkersuisut naqissuserusuppaat taartaasartunik atuinikinnerunermi aningaasartuutit 15 mio. kr.-inik annikillinerini ima isumaqanngitsoq Peqqinnissaqarfimmi 15 mio. kr.-inik sipaarniuteqarfiusoq. Peqqinnissaqarfimmi atorfiit inuttalerneqarnissaat pisariaqartinneqartuarput isumaqatigiissutillu malillugit atorfinitsisinissaq kissaatigineqarluni. Taamaattumik taartaasartunik atuinnermut aningaasartuutit pisariaqanngitsut annikillisininneri pineqarput, taartaasartut isumaqatigiissutit malillugit atorfinitsitsinernit akisunerummata. Taamaasilluni peqqinnissaqarfimmi isumalluutit angusaqarluarnerpaajusumik atorneqassapput.

a. Pilattaasimanerit amerlassusaat

Akissut:

Tabelimi ataaniittumi Peqqinnissaqarfiup sumiiffinni pilattaaffigisartagaani ukiuni 2016 – 2019-imi pilattaanerit naammassineqartut amerlassusaat takutinneqarput. Naatsorsuutini ilanngunneqanngillat suliarinninnerit annikinnerusut, sumiiffinni pilattaaffigisartakkani ingerlanneqanngitsut.

Ukioq	Amerlassuseq
2016	1816
2017	2038
2018	2239
2019	2475

b. Pilataanissaraluit taamaatiinnarneqarsimasut amerlassusaat

Akissut:

Tabelimi ataaniittumi Peqqinnissaqarfiup sumiiffinni pilattaaffigisartagaani ukiuni 2016 – 2019-imi pilataanissaraluit unitsiinnarneqartut amerlassusai takutinneqarput:

Ukioq	Amerlassuseq
2016	390
2017	333
2018	293
2019	219

c. Pilatsinnissamut utaqqisut amerlassusaat

Akissut:

Tabelimi ataaniittumi napparsimasut, Peqqinnissaqarfiup sumiiffinni pilattaaffigisartagaani pilatsinnissamut utaqqisuniittut amerlassusaat takutinneqarput. Periarfissaanngilaq § 37 naapertorlugu apeqqummut akissutini utaqqisut allattorsimaffiat sukumiinerusumik nassuiassallugu.

Ukioq	Amerlassuseq
2016	3315
2017	3139
2018	3307
2019	3344

d. Pinartumik nappaatilinnik, soorlu kræft-ertutut pasisaasunik misissortinnissamut utaqqisut amerlassusaat

Akissut:

Apeqqummi nappaatit sorliit pinartutut immikkoortinneqarnersut ersersinneqanngilaq. Naatsorsuineq napparsimasuni kræft-imik nappaateqartutut pasineqarlutik utaqqisuniittuni aallaaveqarpoq. Aatsaat 2019-imi kræftimik nappaateqartutut pasineqarlutik utaqqisuniittut amerlassusai aqqissuussamik nalunaarsorneqartalerput. Taamaattumik ukiuni siusinnerusuni kisitsisinik atuuttunik paasissutissiisoqarsinnaanngilaq. Paasissutissiisutigineqarsinnaavorli, 2018-imi Kalaallit Nunaanni kræftertut nutaat 158-t pasineqarmata.

Ukioq	Amerlassuseq
2019	564

e. Inaluarsuarmi ilaanik qinngutininik misissorneqarneqarnissamut (Koloskopii) utaqqisut amerlassusaat

Akissut:

Tabelimi ataaniittumi 2019-imi inaluarsuarmi ilaanik qinngutininik misissorneqarnissamik (koloskopii) utaqqisut amerlassusaat takutinneqarput. Aatsaat 2019-imi aqqissuussamik nalunaarsuineq eqqunneqarpoq. Taamaattumik ukiuni siusinnerusuni kisitsisinik atuuttunik paasissutissiisoqarsinnaanngilaq.

Ukioq	Amerlassuseq
2019	817

f. Kalaallit kræftertut Danmark-imut katsorsartikkiartorsimasut amerlassusaat

Akissut:

Kalaallit kræftertut Danmarkimut katsorsartikkiartorsimasut amerlassusaat nalunaarutiginissaat periarfissaanngilaq, tassani Peqqinnissaqarfiup napparsimasut taakku pillugit paasissutissanik tamakkiisunik peqanngimmat. Tamatumunnga pissutaavoq napparsimasut taakku Danmarkimi nappaataat suussusersineqarlutillu katsorsartinneqartarmata, Peqqinnissaqarfillu Danmarkimi peqqissutsikkut paasissutissanik pissarsisinaanngimmat.

2. §37 tunngavingalugu apequtinnut 19/2020-imut isumaga malillugu Naalackersuisut apeqqummut nr. 2a-imut naammaginangitsumik akissuteqarsimapput. Sulisunit isumaginnikkut oqaloqateqarnissaq aatsaat pisinnaavoq napparsimalluni sulinngitsoorsimanerit nalunaarsorneqarsimappata. 2c-mut akissummi erserpoq sulinerunermut atatillugu akissarsiat aammalu ullunik sulinngiffissanik annaasaqarnermut aningaasartuutit qaffakkiartortut, tassungalu atatillugu napparsimalluni sulinngitsoortarnernut sammisunik pinaveersaartitsinermut tunngavillinnik peqqinnissaqarfiup aqutsisuisa suliniutinik sorlernik pingaartitsinersut Naalackersuisut ilisimasaqarfigaat?

Akissut:

Peqqinnissaqarfiup paasissutissiisutigaa maanna peqqinnissaqarfimmi sulisut sulinerinik nalunaarsuviit atorlugit periarfissaanngimmat napparsimalluni sulinngitsoornerit pillugit paasissutissanik tiguisoqarsinnaanngilaq.

§ 37 naapertorlugu apequt nr. 019/2020-mi apequt 2a-mut akissummut atatillugu erseqqissarneqassaaq, Peqqinnissaqarfimmi immikkoortortat ataasiakkaat namminneq statistikkiliortarmata, napparsimalluni sulinngitsoornerit appariarnerinik takutitsisunik. Statistikkut taakku tunngavigalugit, immikkoortortat ilaanni aqutsinikkut ukkatarineqarpoq napparsimalluni sulinngitsoornerit annikillisarneqarnissaat, ilaatigut isumaginnikkut oqaloqateqarneq aamma skemat pigaarfissat naleqqussarneri ikiortigalugit.

Qaangiuttoorutinik akiliisarneq aamma ullut feeriarfissaagaluit annaasat akiliutaasut qaffasinnerusut eqqarsaatigalugit paasissutissiisutigineqarsinnaavoq, ass. Dronning Ingridip Napparsimavissuani Nakorsartittunut Immikkoortortaqaqarfiup aallaavittut piffissami sivikinnerusumi sulisut aamma aalajangersimasumik sulisut periarfissittarmagit nammineq pigaarfissanut inuttaqanngitsunut sulinissamut neqeroorsinnaanerinik. Taamaattumik qaqutigut qaangiuttoorluni sulisitsisoqartarluni. Tamatuma saniatigut ilanngunneqarsinnaavoq, Nakorsartittunut Immikkoortortaqaqarfiup misiginngimmagu qaangiuttoorutinik akiliisarnerit qaffannerisa kingunerisaanik napparsimalluni sulinngitsoornerit qaffanngitsut.

3. §37 tunngavingalugu apequtinnut 19/2020-imut isumaga malillugu Naalackersuisut apeqqummut nr. 3-imut naammaginangitsumik akissuteqarsimapput. Aperivunga MTU-p suna takutissimaneraa? Aammalu

akissuteqarsimasut procentiat taama appasitsigineranut aaliangersimasumik peqquteqarpa?

Akissut:

Peqqinnissaqarfik aaqjissuussaanneruvoq angisooq, suliassanik assigiinngiiaartunik amerlasuunik suliaqartoq aamma sulisunik assigiinngitsorpasuarunik ilinniagaqartunik sulisoqartoq. Taamaattumik MTU 2016-imeersoq immikkoortuni, nunap ilaani aamma sulisuni nalilersorneqarpoq. Sulisut 1140-t missaanniittut akornanni akissutit katillugit 166-it tiguneqarput. Akissuteqartut procentiat appassissoq isumaqarpoq, MTU-p inernerit Peqqinnissaqarfimmut tamarmut naapertuutinnngitsooq. Immikkoortut assigiinngitsut kinaassuseq isertuutiinnassallugu naammaginatsumik amerlassusilinnik akissuteqartut, kingusinnerusukkut unammillernartut najukkaminni sulissutigaat. MTU apeqqtunik 54-inik imaqarpoq, tassani utertitsinerit nikerarlutik. Immikkoortut ilaanni pitsanngoriarfissaqarpoq, allani nalinginnaasumik naammagisimaarinnittoqarluni. 2016-imi MTU annertuumik ukkatarineqarpoq, ass. Peqqinnissaqarfiup intranetiatigut, akisut procentii qaffasinnerpaat pillugit unamminertigut kiisalu aqutsisut tungaannit ukkatarinninnikkut.

MTU assigalugu APV-mi kingullermi kiisalu MED-aaqqjissuussaannermik nalilersuinermit akissutit procentii appasissut takuneqarput. Ilisimaneqanngilarli, sooq akissutit procentii taama inissisimanersut, annertuumik ukkatarineqaraluarlutik. Peqqinnissaqarfimmi aqutsisut, immikkoortuni, nunap ilaani aamma sulisut aqutsisui kiisalu suliffimmi isumannaal-lisaanermi siunnersortip ukkatariniarpaat APV-p aggersup sulisunit akineqarnissaata ukkatarineqarnissaa, taamaasilluni akissutit procentii qaffasinnerusut anguneqassammata, taamaasillutik Peqqinnissaqarfimmi suliffimmi atukkat atuunnerusumik takuneqarsinnaassammata.

4. §37 tunngavingalugu apeqqtinnut 19/2020-imut isumaga malillugu Naalackersuisut apeqqummut nr. 6-imut naammaginangitsumik akissuteqarsimapput. Paasisaqarfigerusuppara atorfilittat aqutsisui suliassamut piginnaasai suunersut, aammalu DIH-p iluani akissaateqarfik qanoq annertutigisumik aningaasaliissutigineqarsimanersooq?

Akissut:

§ 37 nr. 019/2020-mut akissuteqaammi apeqqt 6-imut akissummi erserpoq, sulisut aqutsisui arfiniliusut, taakkunani ataaseq aqutsisuugallarluni. Tamanna kukkuneruvoq. Peqqinnissaqarfimmi sulisut aqutsisui arfineq marluupput, taakkunani ataaseq aqutsisuugallarsimalluni, kingornali aalajangersimasumik atorfinitsinneqarsimalluni. Sulisoqarfiit ukuupput:

- IT & Digitalinngorsaaneq
- Aningaasaqarneq aamma Pisiortorneq
- HR & Ineqarneq
- Illutat & Sanaartukkat
- Ingerlanermik ataqatigiissaarineq
- Allattoqarfik
- Illup iluani Sullissineq

Sulisut aqutsisui ilinniagaqarnikkut tunuliaqutaat, atorfigisimasanit misilittagaat, inuttut piginnaasaat aamma aqutsinikkut piginnaasaat aallaavigalugit ataatsimut nalilersorneqarlutik atorfinitsinneqartarput. Ilinniagaqarnikkut tunuliaqutaat assigiinngitsuupput tassaallutik cand.oecon, cand.jur, cand.negot, Illersornissamut qullersaqarfimmi (For-svaret) aqutsinermi ilinniagaq aamma officeritut ilinniagaq, aningaaserinermi ilinniagaq

aamma Nerisaqarneq aamma Peqqinneq pillugu professionsbachelor (ilanngussaq takuuk).

Sulisut aqutsisuisa sulinikkut aamma ilinniagaqarnikkut tunuliaqutaasa assigiinnginnerat pissutigalugu, aqutsisut isumaqatigiissutit assigiinngitsut tunngavigalugit atorfeqarput. Taamaattumik aalajangersimasumik akissarsiat sinaakkutaanik aalajangersaasoqarsinnaangilaq, kisianni paasissutissiissutigineqarsinnaavoq, sulisut aqutsisuisa akissarsiaat qaammammut inummut 55.000 – 60.000 kr.-it missaanniittartut.

Inussiarnersumik inuulluaqqusillunga
Med venlig hilsen


Martha Abelsen